

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

VI. Illustrissimus Cardinalis Baronius refellitur, qui putavit ista à Vigilio extorta per vim fuisse. Referuntur Baronij argumenta.

urn:nbn:de:hbz:466:1-15617

emergentem auctoritatem, & munitamenta in futurum praestruens adversus ambitionem, si exemplo Constantinopolitanorum antistitum iste novi aliquid tentaret adversus privilegia antistitis Romanæ urbis. Hæc sunt verba Agapeti: *De Iustinianâ civitate gloriose natalis vestri conscientia, neconon & de nostra sedis vicibus injungendis, quid servato beati Petri, quem diligitis, principatu & vestre pietatis affectu plenius deliberari contigerit, per eos quos ad vos dirigimus Legatos Deo propitio celeriter intiamus.*

*Agape, epist. 4.
ad Iustinianum.*

Vigil. epist. 1.

*Iustinian. Nov.
131. c. 3. an. 54.*

V. Mortuo interim Agapeto successit Silverius, & isti Vigilius. Ad illum vero Iustinianus legationem misit anno D X L. quo primum anno sedere in sede apostolica citra controversiamcepit Vigilius, extincto Silverio. Puto autem simul à Vigilio petuisse per Dominicum Exconsulem atque Patricium (nam is legatus erat Iustiniani) uti vices apostolicae sedis committeret Archiepiscopo primæ Iustinianæ. Nam vicarius istius meminit ipse Iustinianus in constitutione lata anno sequenti, in qua sic loquitur: *Per tempus autem beatissimum prime Iustinianæ nostra patriæ Archiepiscopum habere semper sub sua jurisdictione Episcopos provinciarum Dacie mediterraneæ, & Dacie ripensis, & Privalis, & Dardanæ, & Mysia superioris, atque Pannonia, & ab eo hos ordinari, ipsum vero a proprio ordinari Concilio, & in subjectis sibi provinciis locum obtinere cum sedis apostolice Romæ, secundum ea que definita sunt a sanctissimo Papa Vigilio.*

VI. Falli ergo necesse est illufrissimum Cardinalem Baronium, qui incertum esse ait tempus quo vicarius iste tributus est Archiepiscopo primæ Iustinianæ, & vi extortum esse ait à Iustiniano, nimirum post dissolaram inter eos concordiam. Quippe ea dissoluta est post Vigilius adventum Constantinopolim, id est, post annum quingen-tesimum quadragesimum septimum, vel ipso teste Baronio. Immo diuturna illa vis imperatoria, qua adactum Vigilius ait ut vices suas delegaret Archiepiscopo primæ Iustinianæ, ad aliam vim referri non potest quam ad eam quam idem Pontifex pertulit anno D L I. & seq̄uentibus. Vana igitur est omni ex parte conjectura Baronij; quam heic tibi proponimus, lector, ut tanti momenti causam etiam tui judicij faciamus. Hæc sunt verba Baronij: *In hujuscemodi habitis cum Iustiniano conflictibus cum fatigatus esset exumnis Vigilius, idem Imperator ab eo inter alia illud extorxit, quod ab Agapeto Papa obtinere frustra tentaverat, nec ab ejus successore Silverio impetrare valuit, nempe ut prima Iustiniana, natale solum, a se mirificè illustrata, non episcopatus tantum, sed metropolitana sedis angeretur dignitate. Cum inquam à Vigilijs predecessoribus ipse Iustinianus impetrare conatus esset, minimè valuit obtainere, quod scirent idem Romani Pontifices ea verti in prejudicium aliarum ipsi provinciarum adjacentium metropolitanarum sedum, injustum rati dedecore nobilium Ecclesiærum illustrari novam Ecclesiam primæ Iustinianæ, indecensque esse alias demandare ut una superornaret Ecclesia, cresceret nimirum ipsa diminutione majoris, cui ipsa subdita fuisset, Ecclesia.*

VII. In varios heic errores incidit illufrissimus Cardinalis. Nam neque post arum nas Vigilius vices suas tribuit Archiepiscopo primæ Iustinianæ, sed in felicibus pontificatus ejus initii, & ante omnem similitatem cum Iustiniano, ut suprā demonstratum est. Secundò, frustra ait Imperatorem non potuisse ista impetrare à Silverio, frustra, inquam, cum id à nemine proditum sit memoriae literarum. Tertiò, ait Iustinianum à Pontificibus petuisse uti decernerent primam Iustinianam sedem esse metropolitanam. Id vero neque ex Agapeti epistola neque ex Iustiniani Novella colligitur. Immo repugnat huic sententiae videtur Iustinianus, qui decernit ut prima Iustinianæ pro tempore antistes, non solum Metropolitanus, (quod solum à Pontificibus petuisse Iustinianum scribit Baronius) sed etiam Archiepiscopus est, id est, superpositus esset Metropolitanus provinciarum quæ lege illa subjecta fuerunt antistiti primæ Iustinianæ. Denique non vidit Baronius quantam priscis illis Pontificibus injuriam faceret qui Episcopos Arelatenses extulerunt, non solum super certos Galliarum Metropolitanos, sed etiam super Viennensem, cuius metropolis subjecta fuerat Arelatensis Ecclesia.

VIII. Novam illam Archiepiscopi prima Iustinianæ dignitatem acceptam non fuisse Illyricianis Episcopis, præcipue vero Thessalonicensi, in cuius diminutionem ita constituta fuerunt, facile mihi persuadeo. Ipsi enim restatum hoc mihi fecisse videntur anno quingentesimo quinquagesimo, in causa Benenati Episcopi prima Iustinianæ, quem synodus Illyriciana eo anno damnavit tanquam obrectatorem Trium Capitulorum, studio sanè conservandæ vere fidei, sed odio etiam, ut ego arbitror, erga Iustinianum, cuius apertum & pervicax erat fludium pro condemnatione Trium Capitulorum. Hanc historiam debemus Chronicis Victoris Episcopi Tunnonensis: *Post consulatum Basilij V. C. anno 1 X. Illyriciana synodus in defensione trium capitum Iustiniano Augusto scribit, & Benenatum prime Iustinianæ sibi Episcopum, obrectatorem eorundem trium capitum, condemnat. Ac ne quis putet Victorem*

*Baron. ad an.
513. & 555.*

Baron. ad an. 555.